

Script of Evening Gojri News Bulletin 08 December 2024 at 1700 Hrs

ایوٹننگ گو جری نیوز بلیٹن مو 08 دسمبر 2024

- 1★ وزیر داخلہ نے سرحدان غی راکھی، دراندازی نانہ روکن، تے کھبہ تہڑا غی انتہا پسندی ور لگام لان واسطے بی ایس ایف گا کردار غی سراہنا کی ہے۔
- 2★ فوج غا سربراہ نے اُدھم پو ر مانہ فوج غی اک تکونی میٹنگ غی صدارت کرتاں واں پیشہ وارانہ تیاریاں غو جائزو لیو ہے۔
- 3★ اُدھم پو ر مانہ اک پولیس اہلکار نے خود کشی تیں پہلاں اپنا اک ساتھی نانہ گولی
- 4★ محکمہ موسمیات غی طرفوں جموں کشمیر مانہ آئندہ 2 ما ر غے ہلاک کر دتو ہے۔ روز غے دوران ہلکی بارش تے برفبادی غی پیشنگوئی کی ہے۔

Amit Shah BSF

وزیر داخلہ امت شاہ نے کہیو ہے جے سرحدی حفاظتی فورس بی ایس ایف گذشتہ 6 دہائیاں تیں لگاتار مُلک غی سرحدان کی صفِ اوّل غی حفاظت مانہ مضبوط بنان در کم کر رہی ہے۔ جس مانہ غے دوران اس غی طرفوں حوصلہ، تے بہا دری غو مظاہرہ کیا جان غے نال نال قربانی پیش کی گئی ہیں۔ اج جو دھپو ر مانہ بولتاں واں جناب شاہ غو کہنو تھو جے سال 1965 تیں ہُن توڑی بی ایس ایف نے مشرق تے مغربی سرحدان غی حفاظت غا سلسلہ مانہ بے پناہ خدمات انجام دتی ہیں۔ وزیر داخلہ نے کہیو جے سرحدی حفاظت غے نال نال بی ایس ایف نے در اندازی، جعلی نوٹاں تے کھبہ تہڑاں غی انتہا پسندی نانہ روکن گا بکھ بکھ محاذان ور وی قابلِ قدر خدمات انجام دتی جا رہی ہیں۔ اُن غو یوہ وی کہنو تھو جے بی ایس ایف غے بغیر مُلک غی بدھتی حفاظتی ضرورتاں نانہ پوراں نہیں کیو جا سکتو۔ کیونجے بی ایس ایف جہیڑی 25 ہٹالیناں سنگ شروع ہوئی تھی۔ لگاتار وسیع ہو تی جا رہی ہے۔ اُنہاں نے دسیو جے بھارت سرکار نے سرحدی ڈھانچہ نانہ مضبوط بنان در خصوصی تو جہ دتی جا رہی ہے، تے ہر سال بجٹ مانہ اس خاطر خصوصی پروایزان بنائی جا ئیں۔ وزیر داخلہ نے کہیو جے سرحدان ور موجود گرائیاں غی کاطر سرکار نے متحرک گرائیں اسکیم شروع کی ہیں۔ تانجے سرحدی گرائیاں غا شہریاں نانہ عزت، روزگار تے تمام بنیادی سہولیات مہیا کرائی جا سکیں۔ یوہ پروگرام تجرباتی طو ر ور کو ئے 3 ہزار ایسا گرائیاں مانہ شروع کیو گیو ہے۔ اس موقع ور وزیر داخلہ نے بہترین خدمات غا اعتراف مانہ جواناں نانہ گلینٹری ایوارڈز تے پولیس خدمات میڈل وی دتا۔

Army Chief

فوج غا سربراہ جنرل اُپندرہ دوی ویدی نے کل اُدھم پو ر مانہ شمالی کمان غی پیشہ وارانہ تیاریاں غوجائزو لیو۔ شمالی کمان غا یونٹ دوجی جگہاں تیں علاوہ جموں کشمیر تے لداخ مانہ موجود ہیں۔ اُنہاں نے اک میٹنگ غے دوران تکونی فوجی خدمات ور غور کیو۔ تانجے فوج غی سانجی پیشہ وارانہ صلاحیتاں مانہ مزید بابدو کیو جا سکے۔ اس میٹنگ غی صدارت جنرل دوی ویدی نے کی۔ جس مانہ فوج، بھارتی فضائیہ تے بحریہ غا سینئر

عہدیداراں تیں علا وہ انڈو تبتن سرحدی پولیس غا عہدیدار وی شامل ہوا۔ اس بارے فوج غی عوامی اطلاعات با رہے ایڈیشنل ڈائریکٹوریٹ جنرل نے ایکس ور جانکاری دتی۔ عہدیداراں نے مزید جانکاری دیتاں واں دسیو جے جنرل نے ایکس ور جانکاری دتی۔ عہدیداراں نے مزید جانکاری دیتاں واں دسیو جے جنرل دوی ویدی نے اُدھم پور صدر دفتر غو دورو کیو۔ تے بعد مانہہ لداخ روانہ ہو گیا۔ جت اُنہاں نے فوجی افسراں سنگ اک میٹنگ غی وی صدارت کی۔ اُنہاں نے اُت فوج مانہہ حال ہی مانہہ شامل کیا گیا جدید ہتھیاراں، آلات تے دوجا متعلقہ فوجی سامان غو معائنو کیو۔ فوج غا سربراہ نے اس موقعہ و ر بولتاں واں شمالی کمان غا تمام عہداں ور موجود افسراں تے جواں غی پیشہ وارانہ صلاحیتاں غی سراہنا کی۔ جن مانہہ کمان غی طرفوں اپنی کاروائیاں غے دوران بہتر تال میل قائم رکھنو وی شامل ہے۔

Cops Udhampur

آج سویرے ضلع اُدھم پور مانہہ اک پولیس اہلکار نے اپنا ساتھی اہلکار نانہہ اے کے 47 آسالت رائفل سنگ گولی مار غے ہلاک کر دتو ہے۔ بعد مانہہ اس پولیس اہلکار نے اپنا آپ نانہہ وی گولی مار غے خود کشی کر لی۔ اک ہور پولیس اہلکار غے ہمراہ یہ دو پولیس اہلکار شمالی کشمیر غا سوپورتیں ذیلی تربیتی کورس غی کاطر ضلع ریا سی غا تلوارح تربیتی مرکز در سفر کر رہیا تھا۔ جدیوہ واقعہ پیش آیو۔ اُدھم پور غا ریمبل علاقہ مانہہ آج سویر غے ساڈا 6 بجے قریب اک پولیس وین مانہہ کالی ماتا مندر غے نیڑے گولیاں سنگ چھلنی ان پولیس اہلکاراں غی لاش دیکھی گئیں۔ پولیس عہدیداراں نے جانکاری دیتاں واں دسیو جے بیڈ کا نسٹیل نے ڈرائیور ور گُجھ بحث تکرار غے بعد گولی چلا دتی تے بعد مانہہ خود کشی کر لی۔ اک ہور سلیکشن گریڈ کا نسٹیل جہیزو ان غے ہمراہ سفر کر رہیو تھو، اس واقعہ مانہہ بچ گيو ہے۔ جس تیں اس معاملہ بارے پوچھ تاچھ کی جا رہی ہے۔ اُدھم پور غا سینئر سپر ٹینڈینٹ پولیس اُمود آشوک ناگیو رے نے جانکاری دیتاں واں دسیو ہے جے اس واقعہ مانہہ فائرنگ غی خاطر اے کے 47 رائفل غو استعمال کیو گيو ہے۔ اُنہاں نے دسیو جے یہ دوئے پولیس اہلکار سوپور مانہہ تعینات تھا، تے ان غو تعلق وادی کشمیر سنگ ہی ہے۔

Jatinder Disha

مرکزی وزیر مملکت تے اُدھم پور لوک سبھا حلقہ تیں ممبر پارلیمنٹ ڈاکٹر جتندر سنگھ نے کل ضلع ترقیاتی رابطہ تے نگران کمیٹی ”دیشا“ غی اک میٹنگ غی صدارت کی۔ میٹنگ غے دوران اُنہاں نے ضلع کٹھوعہ مانہہ بکھ بکھ مرکزی سکیمماں غی عمل آوری غو جائزو لیو۔ میٹنگ غے دوران اُنہاں نے صحت ذراعت، روزگار، ایف سی ایس اینڈ سی اے، تے مزدوری غا سلسلہ مانہہ جاری مرکزی اسکیمماں غی زمینی تے مالی حصو لیاہیاں غو جائزو لیو۔ اُنہاں نے دسیو جے شاہ پور کنڈی پروجیکٹ آئندہ سال غا مارچ مہینہ توڑی مکمل کر لیو جائے گو۔ ڈاکٹر سنگھ نے اس موقع ور متعلقہ عہدیداراں نانہہ ہدایت کی ہے جے ان اسکیمماں غے تحت 100 فیصدی مستفید لوکاں نانہہ کوور کیو جائے۔ اُنہاں نے جنگلات تے دوجا محکماں

تیں کلیرنس حاصل کیا جان غی خاطر نگرانی واسطے مقامی نمائندوں نانہہ لین غی بدایت کی۔

Food Poisoning

ضلع راجو ری مانہہ غیر معیا ری کھانو کھان تیں بعد بیمار بون غی وجہ نل اک ہی گنبہ غا 2 بچاں سمیت 4 افراد جاں بحق ہو گیا ہیں۔ جد کہ دو افراد نانہہ ڈاکٹراں غی نگرانی مانہہ رکھیو گیو ہے۔ دسیو گیو ہے جے مشکوک طور ور زبریلو کھانو کھان غا سلسلہ مانہہ یوہ واقعو ضلع راجو ری گا بڈل گو رلا علاقہ مانہہ پیش آیو ہے۔ بیمار افراد غو ضلع ہسپتال راجو ری مانہہ عالج جا ری ہے۔ زبریلو کھانا غی وجہ غو آجوں کو ئے پتو نہیں چل سکیو ہے۔ آلبتہ اس سلسلہ مانہہ تحقیقات کی جا رہی ہے۔

Weather

موسم غی سرد ترین رات ریکارڈ بون تیں بعد وادی کشمیر مانہہ کھٹ وکھٹ درجہ حرارت مانہہ بہتری آئی ہے۔ جد کہ محکمہ موسمیات نے آئندہ 2 تہاڑاں مانہہ جموں کشمیر مانہہ ہلکی بارش تے برفباری بون غی پیشنگوئی کی ہے۔ محکمہ موسمیات نے دسیو ہے جے 8 دسمبر دیر شام تیں 9 دسمبر بعد دوپہر غے دوران وادی کشمیر غا بالائی علاقوں غی کجھ جگہیں برفباری تے صوبہ جموں غا پہاڑی تے میدانی علاقوں مانہہ کجھ جگہیں ہلکی بارش بون غو امکان ہے تے عام طور ور آسمان ور بدل چھایا رہیں گا۔ 10 تے 11 دسمبر نانہہ موسم عام طور ور خشک رہن 12 دسمبر نانہہ بالائی علاقوں مانہہ برفباری تے 13 تیں 17 دسمبر تک موسم خشک رہن غو امکان ہے۔ محکمہ موسمیات غی پیشنگوئی غے پیش نظر سیلانیوں تے مسافراں نانہہ کہیو گیو ہے جے وے انتظامیہ تے ٹریفک محکمہ غی طرفوں جا ری ہدایات ور عمل کریں۔

Salathia Samba

ممبر قانون سا زاسمبلی سانہہ سُرجیت سنگھ سلاتھیہ نے وجے پور تیں ایم ایل اے چندر پرکاش گنگا غی قیادت مانہہ بنگلہ دیش مانہہ ہندواں ور ہو رپیا ظلم غے خلاف احتجاجی مظاہرہ کیو گیو۔ مظاہرہ مانہہ بکھ بکھ سماجی تنظیموں، مذہبی تنظیموں، آر ایس ایس غا کارکنوں تے علاقہ غا لوکاں نے خاصی تعداد مانہہ شرکت کی۔ سانہہ غا تاریخی ویر بھومی پارک تیں شروع ہوؤ، یوہ احتجاج سانہہ شہر غا مرکزی چوک ور اختتام پذیر ہوؤ، جس مانہہ مطالبو کیو گیو جے بنگلہ دیش مانہہ ہندواں مظالم بند کیا جائیں تے اسکون غا مذہبی رہنماواں نانہہ جیلوں تیں رہا کیو جائے۔ بائٹ۔۔۔

Rana G&B

جل شکتی، جنگلات، ماحولیات تے قبائلی امور غا وزیر جا وید احمد رانا نے جموں گجر تے بکروال ہوسٹلں گو معائینو کیو تے ان گا کم کاج اور ان ہوسٹلں مانہہ رہ رپیا طالب علموں نانہہ مہیا کرائی جا رہی سہولیات غو جائزو لیو۔ انہاں نے پانی غی سہولیات، جماعت غا

کمران، لا ئبریری خدمات، طالب علماں واسطے تفریحی ہال وغیرہ غو جائزو لیو۔ وزیر نے ہدایت جا ری کیں جے طالب علماں نانہہ اُن غی ہمہ گیر ترقی واسطے تمام تر سہولیات فراہم کی جا ئیں۔ اپنا دورہ غے دوران وزیر نے قبائلی امور غا ڈائریکٹر غلام رسول نانہہ ہدایت دتی جے وے جموں کشمیر غا تمام بو سٹلاں غا کم کاج ور نیڑوی نظر رکھیں تے اِن غا کم کاج نانہہ بہتر کریں۔ عملہ نال گل بات کرتاں واں جا وید رانا نے طالب علماں غی کا رکردگی با رے جانیو بھالیو، تے عملہ نانہہ کہیو جے وے طالب علماں نانہہ مقابلہ جا تی امتحانات غی تیاری واسطے مکمل امداد مہیا کراویں۔

ADC Kishtwar

اسسٹنٹ کمشنر ڈولپمنٹ اے ڈی سی کشتواڑ پُھلیل سنگھ نے گذشتہ کل اک اعلیٰ سطحی میٹنگ غو انعقاد کیو، جس مانہہ ضلع مانہہ پی ایم وشوا کرما اسکیم غا نفاذ تے پیش رفت غو جائزو لیو گیو۔ میٹنگ مانہہ بلاک ڈولپمنٹ افسراں تے دوجا متعلقہ افسراں نے شرکت کی۔
